

228553



卷 〇三六九	卷 〇三六八	卷 〇三六七
蘇字	蘇字	蘇字

永樂大典



永樂大典卷之二千三百六十六

蘇州府十九

冢墓

蘇州府志周禮墓大夫掌凡邦墓之地域而為之圖後世無有也然禮牧有禁發掘有刑則著于律書吳由春秋而下數千載之間墟墓猶有存者於是類古圖經之所紀而以宋元者附益之俾世世有考焉 巫咸墳吳地記云在長洲平門東北三里 巫咸商大戊時賢臣是為巫門故為巫咸山按越絕書虞山巫咸所出離騷亦云巫咸說者以為古神巫也 巫咸冢在長洲縣海虞山上咸殷賢臣也本吳人子賢亦在此見史正義 吳太伯墓吳越春秋云太伯卒葬梅里平墟梅里今常熟縣史記正義引括地志太伯冢在吳縣北五十里無錫縣界西梅里村鴻山上云太伯所居城十里吳地記又云太伯冢在吳縣北去城十里未詳孰是 吳君仲雍墓史記索隱云吳地記曰仲雍冢在常熟縣西虞山上與言偃冢並列 冢宇記曰虞山有仲雍齊女墓東是仲雍西是齊女梁昭明太子招真治碑云

遠望仲雍而高墓蕭瑟。傍臨齊女而哀壘蒼茫。碑刻尚存。而墓今不知孰是。吳地記。仲雍墓在海虞山東嶺。言偃墓。吳地記云。與仲雍墓並列。在常熟縣。吳王閭閻墓在長洲縣西北。吳越春秋。閭閻葬於國西北。穿土為山。積壤為丘。發五郡之士十萬人共治。十里使象捷土。鑿池四周。水深丈餘。銅槨三重。頤水銀為池。池廣六十步。黃金珠玉為鳧鴈。扁諸之劍。魚腸之干。在焉。葬之三日。金精上揚。為白虎據墳。故曰虎丘。越絕書云。閭閻冢在昌門外。名虎丘。下池廣六十步。水深丈五尺。銅槨三重。頤池六尺。玉鳧之流。扁諸之劍。三千。方圓之口。三千。繫。即勝邪字之說也。魚腸之劍。在焉。十萬人築治之。取土臨湖。口築三日。白虎居上。故號虎丘。漢劉向疏云。吳王閭閻造禮厚葬。十餘年間。越人發之。吳地記云。秦皇求吳王。劍。虎復蹲焉。遂走二十五里而失。因名其地曰虎。唐避諱。為許。略。相傳墓即虎丘寺法堂基也。吳王夫差墓在陽山。越絕書云。越王棲夫差於餘杭山。去長洲縣五十里。又云。夫差冢在猶亭西。卑獸位。越王傾干戈。人以一螺土葬之。近太湖。去縣十七里。吳越春秋云。夫差既伏劍。越王以禮葬之。秦餘杭山。卑猶宰。語亦葬其傍。吳郡志。史詩正義。夫差棲於姑蘇山。轉戰西北。敗於干遂。干遂之遂。作隧。在蘇州西北四十里。萬安山有遂山。吳王

冢越絕書蛇門外大丘吳王不審名冢也去長洲縣十五里又越絕書棠塘北山者吳王不審名冢去長洲縣二十里匠門外攬溪濱中又越絕書胥女大冢吳王不審名也去長洲縣四十五里周章墓按郡圖經周章閭閻長子墓在常熟縣海虞山上吳王僚墳在吳縣西一十二里窄窄山西慶忌墳在吳縣東北二十五里吳王僚子也今云慶墳見吳地記按御覽引吳地記云在長洲縣齊門外今十四都有慶忌廟齊女墓吳越春秋云吳太子娶齊女女思齊而病將死曰必葬我於虞山之巔以望齊國閭閻傷之如其言葬虞山之巔吳女墓在長洲縣閭門外按越絕書云閭閻子女冢在於閭門外道北下方池廣四十八步水深二丈五尺池廣六十步水深丈五寸隧出廟路以南通姑胥門并周六里舞鶴吳市殺生送死吳越春秋云閭閻與夫人及女會食蒸魚王前嘗半而與女女怒曰王食魚辱我乃自殺閭閻痛之葬於國西閭門外鑿池積土土石為擗題湊為中以金鼎玉杯銀尊珠襦之寶送女乃舞白鶴於吳中令民隨觀使男女與鶴俱入羨門因發機掩之殺生送死國人非之又取土時其地為湖號女墳湖葉宇記引郡國志云王女墳在郭西山川記云或蓋小女名玉墳在閭門外御覽引吳地記云閭門外女墳者閭閻女墓又石為

柳。歲金玉珎說。以人從死高墳深池。池水成湖。與虎丘俱見發掘。無所得也。朱長文續圖經云。一說夫差小女字玉珎。觀父之過。憂國之危。願與韓重為偶。志願不果。結怨而死。夫差葬之閭門外。女化形而歌曰。南山有烏。北山張羅。烏既高飛。羅當奈何。志欲從君。讒言孔多。悲怨成疾。殁身黃坡。竊詠此詩。亦有深旨。殆此女生時所賦邪。南山有女。喻越也。北山張羅。制越非其所也。烏既高飛。勾踐之盛也。羅當奈何。夫差不可制越也。志欲從君。讒言孔多。謂雖欲從父之命。奈何其聽讒言而忘忠議。彼韓重之怨。蒸魚之忿。殆非也。吳郡志。皮日休女墳湖詩。萬貴千暑。已載。客可憐。忠憤為誰矯。願知韓重相思骨。直在芙蓉向水消。陸龜蒙。水平波淡遠。迴塘鶴徇人。沈萬古。傷應是離魂。雙不得。至今沙上少鴛鴦。夫差義子墳。一十八所。在長洲縣秦餘杭山東。又號亞父冢。見吳地記。吳太守寧嘉墳。在長洲縣陽山。吳要離墓。在吳縣西四里閭門南城内。吳地記。曰在秦伯廟南三百五十步。和傳在今龍門橋西城下。為安樂。舊有砲座墓。嘉定十六年。提刑司被旨修城。此地多得古氣。皆莫詳其姓氏。互見梁鴻墓下。漢書注。要離冢在吳西伯鸞墓在其北。吳中公巫臣冢。郡國志云。在匡門西南。按祥符圖經云。在將門外。吳地記云。在平門外。衛公子冢。越

絕書。胥女南小蜀山。春申君客衛公子冢也。去吳縣三十五里。吳將軍孫武冢。越絕書云。巫門外大冢。吳王客孫武冢也。去長洲縣十里。善為兵法。東漢書引皇覽云。在吳縣東門外。吳地記云。在平門西北二里。吳俗傳其地名永昌。千將墓。在長洲縣。匠門外。千將與區冶同師。其妻曰莫邪。吳王使鑄劍二。千將匿其陰。王殺之。續記云。在將門外。郡中鐵工多取墓傍土以冶刀斧。吳郡志。吳地記曰。匠門本名千將門。門外有千將墓。後詒

詒。時為匠門。餘見土物錄。

越王冢。越絕書。蒸山南。夏駕大冢者。越王不

審名冢。去縣三十五里。越王史冢。越絕書。巫門外。寬山大冢。故越王王

史冢也。去長洲縣二十里。莫格冢。越絕書。虎丘北。莫格古賢者避世。冢

去長洲縣二十里。貴人冢。越絕書。王山春申君時治。以為貴人冢。次去

吳縣十六里。漢朱梁墳。在長洲縣。要門東南二里。梁本名摩避和帝諱

改焉。為正議大夫治書御史中丞尚書。莫吳二郡太守。吳郡朱氏多其後

也。塘北有顧三老墳。摩一作穆。按正議大夫。漢無之。冀州亦非冀郡。漢

三老顧繇墳。在長洲縣。要門外。吳人碑有道德。歷御史大夫尚書令。殿上三

老。明帝襲三代之禮。正月上日踐辟雍。殿杖几。乞言受誨焉。吳丞相繇其

裔孫也。事見顧況所撰廟庭碑銘云。刊石要門德輝不滅碑云。漢顧川

太守陸宏墳。在長洲縣平門西北三里。或云。在華亭縣西北四十里。漢豫章太守陸烈墳。在長洲縣秦餘杭山。見吳地記。按詳符圖經引吳地記。虎丘山西北十里。有水名曰白坊。又北十里有胥屏亭。東岸有漢豫章都尉陸烈墓。漢山陰令陸寂墳。在陸烈墳東二里。見吳地記。漢黃香墓。在常熟縣梅里鎮。香字文疆。江夏安陸人。性至孝。詳具東漢本傳。乾道初。梅里有蘇忠翊直。卜葬得古墓。乃黃香墓。碑刻皆隸字。首兩句八字中。二字不可識。延陵慈父。葬于博麻。王允貞。變夫。其碑陰。乃會稽東都都尉張紘誄。又有薛綜修祠日月題刻。其可辨者八字。子復孫現。位登三事。蘇氏挈歸于家。夜有光怪。昇棄毘承湖中。按寰宇記。黃香墓。在房陵縣東。漢蜀郡太守張康墳。俗名鳳凰墩。在吳縣界。俗云在閶門外。康考之氏族無所見。唐宰相表。有漢蜀郡太守張睦。漢皋伯通墳。在吳縣胥門外。號伯通墩。吳地志。漢馮煖墓。在吳縣東北二里。即煖所居。死葬其側。至唐墓碣猶存。漢奉車都尉衡州刺史吳煇墓。吳地記云。在吳縣姑蘇山北十二里。胥口東岸。煇字允修。丹陽太守景之父也。漢梁鴻墓。在吳縣西四里。要離墓址。後漢書云。梁鴻字伯鸞。扶風平陵人。娶同郡孟光。字德輝。共至吳。依皋伯通。鴻閉門著書十餘篇。疾且困。告主人曰。昔延陵季

子葬於羸博之間。慎勿令我子持喪歸去。及卒。伯通等求葬地於吳。要離
冢傍。咸曰。要離烈士。而伯鸞清高。可令相近。葬畢。妻子歸扶風。唐陸龜蒙
云。在金昌亭傍幾一里。續志云。今閭門南城內法會庵西。有古冢二。相傳
為要離。梁鴻墓。咸云。在閭門外。金昌亭傍。按南史。宋文帝放子金昌亭。帝
父走出閭門。則亭在城內是。吳郡志在太伯廟南。與要離墳相近。陸龜
蒙云。伯鸞墓在吳門金昌亭下。幾一里。嘗作文以祭焉。陸龜蒙詞云。
先生為玉噫之歎。漢天子聞而病諸。南走乎大江之波。客臯氏之宇下。志
沉潜而靡他。白吳琴以舉舊夫人之勳亦多。不懷土於將沒。適乎道之無
頗。比要離之烈。象冢雖夷而不變。嗟余後先生之千祀。聊奉奠而末過。俯
準地而仰語。顧先生之謂何。心徧性。設容他之宇下不得。故力耕而自穫。
所以法先生之義。庶五噫之可崇。漢豫州刺史孫堅妻。吳夫人。及其子
魯稽太守策三墓並在盤門外三里。載於唐陸廣微吳地記。即今齊昇院
東南墓前有小溝。曰陵浜。祥符圖經云。孫堅塋。鄉俗稱為孫王墓。按吳書。
堅死於初平三年。年三十七。策死於建安五年。年二十六。堅妻吳氏死於
建安七年。合葬堅墓。黃龍元年。權追尊堅為武烈皇帝。廟曰始祖。墓曰高
陵。吳氏為武烈皇后。策為長沙桓王。太元元年八月朔。大風拔吳高陵松。

栢石碑。踞即城南門飛落。勳晉陽秋云。惠帝元康中。吳令河東謝詢表為
孫氏二君。置守冢五人。修護掃除。有詔從之。其文張俊所作。今載文選。宋
政和六年。村民發墓。觀皆作篆隸。為萬歲永藏之文。得金玉奇器甚多。有
東西銀栢。初若聚花。良久化為腐土。并金栢頭十數枚。金栢臂或恙。皆如
新。一瓦熏爐。與近世陸墓所制略似。而箱底灰炭猶存。碑石斷缺。厯餘中
平年三字。守將遽命掩之。所得古物。盡歸朱勔家。洪舅香譜亦略載此事。
即楊友愛所賦孫豫州墓者是也。洪氏三廩志云。盤門外大家。紹熙二年。
秋雨。墳圯。牧童入其間。得銅器數種。持償於市。鄉人往視。圯處。蓋其隧道。
有石刻隸書云。大吳長沙桓王之墓。赤烏三年。凡十二字。知府沈揆。亟命
掩塞。仍立石表其所。滕歲為記。袁席之謂策死。距赤烏三年。已四十載。豈
非權稱制之久。復改葬乎。所得之器。滕歲一小鏡。其背有銘十四字。一小
麟鎮紙。無款識。以遺席之。嘉熙中。墓傍土中。又得唐孫得琳墓志。云開元
十年。定於十四代祖吳武烈皇帝陵東南平地。又按丹陽圖經。載高陵在
縣西練塘鄉。吳陵港。以傳記證之。當是蒙葬曲阿。後遷于吳。史不及詳載。
爾。滕歲所記。謂紹熙中。提舉常平張體仁。嘗命其屬表之。題曰先賢墓。徐
誼屬歲考訂正。從俗稱孫王墓。歲蓋專據陳壽說。破虜葬曲阿。猶指此為

伯符之墓亦未詳。謝詢所表不審三墳同域。以友愛詩為差謬。故論說紛紜。自相抵牾。舊志既莫能是正。故詳載始末。云。隋志云。魏吳綱立孫堅廟。嘗取長沙王墓。葬於樊城。字記。潭州有長沙王吳芮廟。并墓在長沙縣北。又長沙定王廟在縣東北。孫破虜祠在縣南。又在吳縣。吳郡志。孫破虜墓。王墓記云。出盤門三里有高塚。或傳其冢。塋有父在側。曰。萬歲水藏。問其傍。老人曰。孫王墓也。又曰。孫氏長沙王也。或傳其先世之說。蓋嘗發取藏金玉。未竟敗。復有碑已斷。缺不全。止辨有中平年三字。復掩之後。郡置窆其旁。取土為碑。墳號官窆。後又以授民田。牧其上。前常平使者相叢家。建齊昇院。與孫墓相附。近院有成。會後地官將去。職。一日始得其事。立命其屬表之。為之表者。不暇詢。攷題曰。先賢墓。今使者以為失事實。不可示久遠。即命吳縣王簿劉允武訂其事。乃具條所得冢旁老人之言。以報。屬藏記之。按陳壽志。長沙王字伯符。始受漢爵為吳侯。大皇稱帝。追封長沙威王。而其少紹嗣。封於吳。此墓當盜伐時。有楊友愛。葬紹者。作詩吊之。乃以為孫破虜墓。陳壽志破虜葬曲阿。楊詩固已差。則所傳長沙王者。蓋是。按中平元年。朱嵩表破虜為佐軍司馬。討張角。楊蓋據研。有中平年字。故定以為破虜而不攷其史。江表傳載破虜為萬佐軍。留家壽春。長沙王

方十餘歲。已能與知名士交。周瑜自舒未壽春。勸王使行。則碑之所稱。或
 為王也。又壽志及裴松所補孫氏自破虜而下。皆出所葬地。獨王不言葬。
 而王之薨。其將周瑜呂蒙皆赴喪于吳。至大皇始用張詠計。自吳徙秣陵。
 則王之葬當在吳也。然碑今既不存。欲訂而表之。其傳疑曰。孫王墓者。從
 俗稱也。齊韶序其詩。又稱盜所得家中物。有東西銀杯。金搔頭。金握臂。瓦
 薰爐中灰炭猶存。其物皆歸朱勔家。實政和丙申也。前使者姓詹氏。名賅。
 仁字元善。今使者姓徐氏。字子宜。紹熙三年三月日記。揚友愛詩。閩
 閩城南荒之丘。昔誰葬者。孫豫州。又無過客為下馬。時有牧童來放牛。居
 然珍寶出。先煢。識者夜見。眠其由。玉環金盃。到城市。土花不蝕餘千秋。州
 家麻門。亟封守。賊曹掩骼窮姦偷。已知其中有可欲。亦恐未免無窮憂。嘗
 時義師奮四海。少日已無求與劉。英雄與世傑。如在。暴露無乃為神羞。人
 生浮脆無可料。蜚螻烏為從所求。馬陵勒箭一杯酒。自古南山能細不。
 吳偏將軍步騭墳。吳地記云。在吳縣東北三里一百步。有石碑石羊。今臨
 頓東南。或作左威將軍。今為長洲。吳侍郎朱桓墳。在吳縣橫山。見吳地
 記。真娘墓。李公垂詩序云。真娘吳之妓人。歌舞有名者。死葬虎丘寺前。
 吳中少年從其志也。墓多花草。蔽其上。雲溪友議云。墓在虎丘路傍。圖經

云。在雲巖寺西南山下。唐人遊此者多有篇詠。進士譚鉢亦題一絕。讚詞人之重色。由是稍稍息筆。館閣書目有真娘墓詩一卷。吳郡志。公無詩云。一林繁葩春城盡。雙樹燕門思草生。愁能自隨風燭滅。愛心難逐雨花輕。樂消波月空蟾影。歌息梁塵有梵聲。還似錢塘蘇小小。祇應回首是卿卿。

唐樂子譚鉢題云。虎丘山下家。棠棠松柏蕭條盡可悲。何事世人唯重色。真娘墓上獨留詩。白居易詩。真娘墓。虎丘道。不識真娘鏡中面。唯

見真娘墓頭草。霜摧桃李風折蓮。真娘死時猶少年。脂膚黃子不牢圓。世間尤物難留連。難留連。易銷歇。塞北花。江南雪。王禹偁詩云。女命在

于色。士命在于才。無才無色者。未死如塵灰。虎丘真娘墓。止是空土堆。香魂與臍骨。銷散如黃埃。何事千百年。一名長在哉。吳越多婦人。死即藏山

隈。無色故無名。丘家空崔嵬。唯此真娘墓。客到情徘徊。我是好名士。為爾傾一杯。我非好色者。後人無相貽。楊慎詩云。水肌玉骨有遺妍。粉作

嬌雲黛作煙。知有香魂理不得。夜深嚴底月中仙。晉廢帝陵相傳在常熟縣白茆市。侯白旌異記云。有盜發白茅冢。而棺內大吼如雷。野雉悲雉。

飛獸赫然。其盜多被燒死。按晉書廢帝奕字延陵。太和六年。桓溫廢為東海王。咸安二年。降封海西縣公。邑四千戶。四月徙吳。太元十一年。十一月。

甲申崩于吳。年三十五。與庾后合葬吳陵。晉司空何充墓在吳縣西一十五里。葬山一里。見家宇記。按史何氏過江。自司空充並葬吳西山。

晉大尉陸玩墓在吳縣。雖龍山子納尚書令。亦葬此山。按史玩卒。給兵千人。守冢七十家。太元中以玩有佐命勲。先陪陵而葬。由是特置與平伯

官屬以衛墓。則玩葬當在建業。晉驃騎將軍嘉興元公顧彥先墓。家宇記云。在長洲縣赤門外九里。或誤云上將軍陸廣微記云。在吳縣東南二

十里。側有左威將軍張敏墳。寔在今郡城對門東六里。長洲縣皇天蕩南二十九鄉俗云。顧榮墓墓西有祠。題曰顧將軍廟。按晉書彥先卒於懷

帝永嘉六年。時戴洋善風角。或問江南當有貴人。顧彥先周宣佩曾是否。洋曰。顧不及臘。周不見。來年八月。榮果以十二月十七日卒。十九日臘。祀

以明年七月晦日亡。沈約宋書武帝咸寧四年。詔禁斷石獸碑表。其犯者雖會赦。今皆當毀壞。元帝大興元年。有司美故驃騎府主簿故恩營葬舊

君顧榮求立碑。詔特聽立。考其年之歲在壬申。而葬在戊寅。相距七載。乃晉室中興之時也。晉廬江太守闕縡墓在長洲縣齊門東北二里。今有

闕墓村。縡德行清高。封闕內侯。見吳地記。王墓虛舟客話云。在長洲縣郡城東三里。有水鄉曰王墓。父老相傳為晉右軍王逸少之墓。按右軍與

弟書云墳墓在臨川者行欲改移就吳。吳中終是所歸。晉陸凱墓在長洲縣西鳳凰山。晉光祿大夫淮南內史朱誕家在長洲縣東門外一里。見寰宇記。晉吳國內史朱崧墳在吳縣橫山東五里。晉東曹掾張李鷹墳在吳縣橫山東五里。晉江墓墓木漬孫起卿於天平山下地名上沙獲墓碑以大方數刻之其略云。墓養父諱。本父通字畫俱存其輒與石不異起卿有詩按譜通字墓給事中。墓子秉之秉之子徽道並吳令。諱無所考。吳郡志。起卿為賦詩。家有古塚碑近自田家獲。藏之五六年。未甚見。省碑。古苔沒文理。封始始莫識。偶然嗟其窮。一一為磨剔。始若漫無文。細屏適可讀。文云。晉江墓。長夜垂。墓刻貞石。殊不用塊。然但墳墳。合葬無別銘。背面書反覆。一字不涉。華公校記明白。二父遂兼書。於通乃宗嫡。志云。養父諱。本父通也。考諸晉史。篇真是小出入。字畫亦驗。然不類錫斷。漢魏尚豐碑。此獨何偏迫。豈時丁喪亂。不暇如品式乎。時義熙李。歲次寶庚戌。五胡劫中原。典午竄南極。苟簡理宜。爾寧詒不考責。審訂既昭然。疑去喜自適。歷年七百餘。暫爾駒過隙。名節苟不傳。埃化先瓦石。真茲當眼前。用代銘凡席。瞿研先生之墓在常熟縣直塘市廣安寺舊浚塘得古塚刻碑。稱瞿研先生字鵠子。廣川人。隱居不嫁。葬於東陵或丘寺重岡之

原。或立蓋廣安舊額。今其地尚多瞿姓。晉書隱逸傳。瞿劭先生者。不得姓
名。亦不知何許人也。太和末。嘗居宣城郡界文脊山中。山有瞿劭。因以為
名焉。大司馬桓溫嘗往造之。既至。見先生被廢裘。坐于石室。神無忤色。溫
及僚佐數十人。皆莫測之。乃命伏滔為之銘贊。竟卒於山中。正猶孫叔敖
史失其名。得其碑。乃知名。饒。瞿劭之字。亦近於此。梁給事黃門侍郎陸
雲公墓在吳縣橫山。俗稱陸墓山。舊誌。號為陸士龍墳。今相傳為陸機墓。
皆非是。雲公。字子龍。武帝恩遇甚厚。太清元年。年三十七。帝悼惜之。
詔射日舉哀。賻錢五萬。布四十匹。雲公之子瓊。初侍東宮。母隨在官舍。後
主賞賜優渥。至德中。為吏部尚書。丁母憂。喪。當還鄉。詔加賻贈。并遣謁者
黃長貴持冊奠祭。後主自製誌銘。朝野榮之。瓊以哀毀卒。梁朝公主墓
在長洲縣西北。即妙嚴尼寺後大丘也。相傳梁武帝之女。出降郡人孫
瑒。此事即其故宅。迄今尚祀版位於佛殿。題為妙嚴公主。西去路直如矢。
可百許步。河濱有一石馬。號石馬。隱云。故神道又者。舊相傳墓上有廟。年
遠蹟毀。惟廟前古柏存焉。按妙嚴寺。置於太平興國元年。漢許將軍墓名
。吳地記云。郡城通玄寺大殿東南角。有漢許將軍墓。至唐改葬嚴祺。既
遠。故莫有知其處者。今寺所祀伽藍。有許刺史。無將軍之稱。蕭天子墓。

慶元志云。在常熟縣寶嚴寺東。丁家灣之西。故老相傳云。蕭天子墓。上有古木。樵牧不敢近。不知何帝也。按史。梁廢帝。海陵王。鬱林王。皆為蕭鸞所廢。然不云葬。吳唐蕭存父。顧士。名播天下。王常廬。吳等皆執弟子禮。號蕭夫子。存嘗為常熟主簿。其父死。或葬於此地。不可知。恐是蕭夫子墓。說夫作天耳。然史謂顧士客死汝南。又未知果葬於此否也。姑備所聞。以供博識。又江陰志。蕭天子墓。在良信鄉。有大土封。號倉堆。琴川志。相傳為蕭天子墓。又按吳史。梁敬帝為江陰王。孫蕭子卿嗣。陳大建二年。除侍中。淳子氏就子卿買梁陵中樹。皆坐免。既此觀之。墓亦有自矣。陳黃門侍郎顧野王墓。在吳縣橫山東。平地不起墳。其地近越來溪。紹興中。碑石斷裂。尚巍然植立。後為醉人推仆。碎于地。唐鸞臺侍郎顧崇墳。在吳縣泰伯廟西。唐吏部尚書姚邵之墳。在吳縣南五里一百步。見吳地記。唐閻將軍冢。在常熟縣勝法寺東。寺即元和中閻氏舍宅所置。唐莊府君墓。在嘉定縣城南門外。護國忠惠侯墓。在嘉定縣外堰之西。孫朝儀墓。一在嘉定縣城西。護國寺後。一在項涇西。二在集仙宮東。其子墓也。譚太史墓。在嘉定縣月浦。趙儀曹墓。在嘉定縣登平橋北。唐贈補闕陸龜蒙墓。在長洲縣甫里。傍有白蓮寺。據言龜蒙中和初卒。給事顧冕為誌。吳

融作文給之。凡十餘言。宋明武平。又撰碑銘。唐陸宣公墓在長洲縣齊門外六里。虛舟客話云。在官河之西。地名陸墓。水名陸塘。溥祐中嘗於墓傍得遺刻。與所傳合。惜乎不傳。郡人周虎。張震發皆訂其事。或謂宣公卒于忠州。其喪不曾還吳。而忠州圖經云。墓在玉虛觀南三十步。陸宣公棄葬于此。或云。公已歸葬吳中。而忠南特虛冢爾。據此則齊門之墓尤可信。唐贈丞相左丞。兗國公陸象先墓在吳縣光福山西。象先為太子太保。封兗國公。開元二十四年七月卒。詔贈尚書左丞。賻物二百段。米粟二百石。唐周軍魯國夫人墓。慎奇志云。嘉泰中。齊門外米蓮里。窆戶張七。起土作塚於古墓側。得一方石。上題八字。又云。長慶三年四月十四日。葬於陸墓里。通賢鄉之原。按周軍疑作周君。唐吾侍威妻顧氏墓在長洲縣。唐朱氏墓在吳縣穹窿山。傍墓碑有云。先居下邳。自平始三年避地。至會昌壬戌。凡八百四十二年。籍于吳。故有邵村之名。叙朱氏過江之祖。并子孫官爵。字多湮泐。俚俗妄云。漢朱買臣之墓。按劉鍊隋唐嘉話云。東封之歲。洛陽平御路北市東南陷。得銘。漢丞相長史朱買臣墓。云。蒼言市千載之後。阿誰是七十年宰相。據此則嚴越二州圖經所載。及買臣葬嘉興縣界。皆臆說也。歸王墓。虛舟客話云。吳縣城西二十里。平原有大冢。俗